



UNIVERSITÄTS-
BIBLIOTHEK
PADERBORN

**ECCLESIASTICAE || DISCIPLINÆ || LIBRI SEX: || DE
CANONICA ET MO- || nastica Disciplina collapsa
restau- || randa, pristinoque nitori || restituenda. ||**

Schulting, Cornelius

Coloniae Agrippinae, 1599

VD16 ZV 14233

9. De libro Rupellæ impresso, Anno M. D. LXXIV. hac Epigrapha.
Ecclesiasticæ Disciplinæ & Anglicanæ Ecclesiæ ab illa aberrationis plena è
verbo dei explicatio.

[urn:nbn:de:hbz:466:1-63372](https://nbn-resolving.org/urn:nbn:de:hbz:466:1-63372)

CAPVT IX.

*De Libro Rupella impresso Epigrapha Ecclesiastica
Disciplina & Anglicana Ecclesia ab illa aderra-
tio. plena è verbo Dei & dilucida
explicatio.*

TAmetsi examen & inquisitionem reliquorū
librorum Calvinisticorum supra cap. 8. li. 4.
nominatorum & synodorum similiter M. S.
tam Belgicarum quam Gallicarum peculiari o-
peri referuem, non possum tamen omittere, quin
huius libri peculiarem ac singularem faciā men-
tionem eò quod ex professo contra Disciplinam
Caluinopapistarum in Anglia à Puritano & rigi-
do Calvinista nomine suo ob inuidiam fugiendā
dissimulato scriptus sit. Cùm autem Caluinopa-
pistæ in Anglia, vt in cultu & diuinis Officijs. sic
etiam in Disciplina, cùm Catholica Ecclesia si nō
per omnia, saltem aliqua ex parte conueniant,
per indirectum & obliquum liber iste quoq; Dis-
ciplinam Catholicæ Ecclesiæ oppugnare & refel-
lere videtur. Porro quænam præcipuè in Ecclesiæ
gubernatione, politia & Disciplina reprehendat
breuiter & paucis saltem annotabo vt quid quan-
tumque inter Calvinisticam & Orthodoxam dis-
ciplinam intersit possit agnosci. Confutationem
verò in suum iustum locum & tempus differam.
Principio reprehenditur Disciplina Catholicæ
Ecclesiæ, quod non sit à Deo sed ab hominibus,
quodque non ex sacris scripturis, sed ex iure Ca-
nonico

nonico deriuetur folio 120. Secundo violatur a nobis, vt aiunt, lex de necessitate vocationis in disciplina, quod papisticos sacerdotes patiamur obire ministeria: tertio violatur, quia mulieres apud nos baptizant & ministrant baptismum: quarto quia Archidiaconos permittimus censura & disciplinae praesesse: quinto quia & cancellarios ad id munus administrandum admittimus: sexto similiter & officiales. At quinque haec genera personarum vt & alia nullam ad has res vocationem habent vt patet ex folio 20. b. 21. 22. & c. seqq. septimo quod omnes ferè vocationes sint absolutae ad ministerium, id est, vt in canonibus vocantur infinitae & liberae, nec vlli certae Ecclesiae assignatae: vnde ambitio & auaritia, ac simul etiam egestas & inopia, qua vagabundum quoddam, & dominos & seruitia quaerens ministerium, ac propterea etiam vile in omnium oculis atque contemptibile inducitur folio 30. 31. Octauo negligitur in nostra disciplina siue gubernatione Ecclesiae, quod ministri Ecclesiarum non personaliter resideant, dum immunitates & priuilegia conceduntur, quae perpetuam non residentiam (vt hodie appellatum) approbet, dum etiam ea similibus priuilegijs conceduntur, ex quibus haec non residentia necessario consequitur huius generis. nono sunt Dispensationes illae multiplicandi beneficia fol. 32. decimo quod electio nostra non sit senatus Ecclesiastici iudicium ab Ecclesia approbatum, cuius interest, sed quod electio nostra fiat ab vno tantum Episcopo & non a pluribus. fol. 34. b. vndecimo quod ad el. gentes attinet, apud nos non sine

alio

aliorum iniuria & tyrannide quadam ab uno
 surpari, quod sit planè penes plures fol. 34. 35. 36.
 &c. duodecimò, quod nullam penè examinatio-
 nem habeamus, saltem nõ qualem Disciplina de-
 scribit, vnde multi eliguntur in singulis muneribus,
 qui nullo modo sunt idonei, siue religionem
 consideremus, quam quidam non omninò profitentur,
 sed apertè se fatentur esse Papistas, plures,
 qui profitentur, ignorant, siue vitam consideremus,
 quæ in multis est turpissima fol. 48. Decimo-
 tertio quod nostra manuum impositio, quæ iubet
 accipere spiritum sanctum, non est ea, qua Apo-
 stoli in Ecclesiasticorum munerum ordinatione
 vsi sunt folio 51. b. decimoquarto, cum ordinationis
 ius ad senatum Ecclesiasticum pertineat, hoc
 ius apud nos solus Episcopus iniquè vsurpat. fol.
 53. decimoquinto, quod Episcopi nostri non tantum
 in diuinis rebus versentur, sed & humanas
 tractant, & omne ferè genus politicæ procuratio-
 nis, præter Episcoporum officium administrant,
 folio 58. b. decimosexto, cum functionis Episcopalis
 partes sint duæ. docere & precari, contra apud
 nos hoc officium distrahitur, & quibusdam præ-
 candi munus conceditur, quibus tamen docere
 prohibetur nisi pleniore potestate concessa. fol.
 66. decimoseptimo, quod preces nullæ specialiter
 fiant pro dirigendis à Deo electionibus & pro
 Episcoporum examinatione, fol. 66. decimo octa-
 uo, quod examinatio in illis duobus, quæ requirit
 Apostolus negligatur, vt scilicet, sit docendus ap-
 tus & non neophytus: nam plerique omnes Episcopi
 inepti sunt ad docendum & rationes adferuntur

runtur de homilijs Ecclesiasticis, cur ea fieri posse putent quæ refutantur folio 76. 77. neophyti etiam admittuntur folio 78. decimononò, cum ius commodorum & fructuum ratio adeò mediocris & temperata esse debeat, vt ad honestam viuendi rationem atque adeò ad cultum & abundantiam satis sit, non ad luxum vt nec paupertate preman- tur nec affluentia luxurientur folio 84. 85. Valdè hæc lex in vtraque parte in nostra Disciplina ne- gligitur. Omnium enim fructus miserè Annati- bus & alijs vectigalibus singulis annis, cum regi- natum Episcopis persoluendis spoliantur, tum verò quorundam impropriationibus ad nihilum ferè redacti sunt, vt multi opiliones & baiuli cō- modius & honestius de laboribus suis viuant, quam Episcopi de suis Ecclesijs folio 86. b. 87. In altera parte tanta certorum reddituum copia est, quæ principes magis, quam Episcopos deceat, & cum illius vocationis sobrietate, modestia, tem- perantia manifestè pugnat fol. 91. 92. 93. vigesimò. Nostra disciplina certum præterea habitum cum in sacris, tum in communi vita præter Dei ver- bum requirit, folio 99. 100. 101. vigesimoprimum, Eorum, quæ in rebus diuinis & verbi ministerio versantur, nos plura genera habemus extra ordi- nem, in statu, qui ordinarius esse deberet. Concio- natores, qui vbiuis concionentur, nulli certæ Ec- clesiæ addicti, tanquam Apostolorum & Euange- listarum vmbra quandam retinemus, quorum ta- men exéplo illos nõ posse niti docetur f. 106. 106. 22. Doctores sunt Episcopi, qui simpliciter versan- tur in doctrina exponenda: tales in Ecclesijs nostris docto-

docto-

doctores nulli ferè ordinantur. vigesimotertiò
 Academiarum & finis & vsus est, vt cum honestis
 artibus, tum in primis Theologiæ conseruandæ
 atque illustrandæ & ministerio per totum regnū
 inferuiat. At apud nos, qui in Academijs sic vocan-
 tur, nihil agunt, quod huius sit officij. vigesimo-
 quartò iusta de Academijs querela. quod à suo de-
 bito & recto fine ad otium, contentiones & rixas
 ac logodædalias defecerint fosio nō. b. & c. vige-
 simoquintò paucissimi veri pastores inueniuntur
 qui scripturas ad varios Ecclesiæ vsus accommo-
 dent, sed in locum scripturarum homiliæ & Li-
 turgiæ de scripto recitatæ apud nos sunt inductæ.
 vigesimosexto quum docere & sacramenta admi-
 nistrare eiusdem sint Pastoris, à nostro ministerio
 illa duo distrahuntur ac diuiduntur fol. 116. vige-
 simoseptimò cum *δίακονία* sit munus Ecclesiasti-
 cum, quod omnem Ecclesiæ procuratiōnem com-
 prehendit præter eam quæ in sermone versatur,
 totum hoc genus in nostra disciplina deest, nec
 vllum Ecclesiasticum munus habemus præter
ἐπίσκοπία. vigesimo octauò, Diaconorum pri-
 mo genere caremus, nempe distributoribus, qui
 pauperum Ecclesiæ curam gerunt & ærarium Ec-
 clesiasticum administrant. fol. 119. vigesimo nonò
 etiam secundò genere Diaconorum caremus, ne-
 pè senioribus Diaconis, qui singulorum moribus
 obseruandis, & offensis cauendis præsent, fol. 120.
 b. & c. trigèsimò, censuræ nostræ & animaduersiones
 in Præsbyterio seu senatu Ecclesiastico vel
 Consistorio leuissimis & pecuniarijs sæpe de cau-
 sis exercentur: ad grauissimas autem offensas cor-
 rigen-

rigendas non adhibentur, nec tantum Ecclesiasticę sed ciuiles & forēses sunt, & cum facultatibus, tum carcere mulctantur. fol. 134. huius verus vsus restituendus folio 135. b. trigesimo primo, nostra disciplina caret suspensione à sacramentis & excommunicatione. nam neque Papistas neque inquinatę vitę homines à Sacramentis arcet folio 129. &c. trigesimo secundo, quod legitimus senatus Ecclesiasticus sit sublatus nempę cœtus præbyterorum, qui ex tribus ordinibus Pastorum, Doctorum, Seniorum compositus communi auctoritate Ecclesiam gubernabat, ea potestas censuris & animaduersionibus continetur, quę spirituales sunt & peccatis tantum atque offensis imponuntur, aut verbis aut correptione cum pœna aliqua coniuncta. Hic vniuersus cœtus præbyterorum ab vno Episcopo deuoratus est, vt omnia solus administret. Hi sunt triginta duo nęui & errata in Disciplina & gubernatione nostrę Ecclesię, vt hic auctor sibi persuadet, sed iustam Apologiam horum suo debito tempori & loco relinquentes & alij operi, breuiter iam duntaxat, & paucis verbis respondemus, ex enumeratis punctis, ijs, quę nos pro erratis agnoscimus, per Tridentinum Concilium saluberrimam medicinam fuisse adhibitam.

D d d

CAPVT